

古

謠

諺

古謠諺卷十五

秀水杜文瀾輯

西王母爲穆王謠

穆天子傳

卷三

吉日甲子天子賓於西王母

郭注云西

王母如人虎齒蓬髮戴勝善嘯紀年穆王十七年西征崑崙崙邱見西王母其年來見賓於昭宮

乙丑天子觴西王母於瑤池之上西王母爲天

子謠

郭注云徒歌曰謠

曰

白雲在天山際

郭注云陵字

自出

洪氏頤煊云文選沈休文早發定山詩注太平御覽

八引作邱陵

道里悠遠

洪氏云里太平御覽引作路八十五引作理

山川間之

郭注

古謠諺

卷十五

曼陀羅華閣

云間音諫 鍾山札記卷三顏氏家訓音辭篇云古今
言語時俗不同著述之人楚夏各異中引穆天子傳音
諫爲間一條今本穆天子傳三却作道里悠遠山川間
之郭璞注云間音諫與顏氏不同段若膺云案顏語知
本是山川諫之郭讀諫爲間用漢人易字之例而後義
可通也後人援注以改正文又援正文以改注而間音
諫之云乃成弔詭矣若山海經郭將子無死郭注云尙
傳亦作山川間之則自用其說矣

能復來

郭注云尙
庶幾也

穆王答西王母謠

穆天子傳

卷三

天子答之曰

云

天子遂驅升於

弇山乃紀丌跡於弇山之石

洪氏云邢昺爾雅疏引丌作其而

樹之槐眉曰西王母之山

子歸東土

洪氏云歸西山經注引作還

和治諸夏

洪氏云治西山經注引作理是唐時

避諱所改太平御覽五百七十二治作洽萬民平均

陳氏云藝文類聚

吾願

見汝

洪氏云願太平御覽五百七十二引作願云宋趙德麟侯鯖錄引吾願作吾願是宋時所見

陳氏

本俱作願也

比及三年將復而野

郭注云願還也復反此野見汝也

御覽卷五百七

十一而作其

陳氏逢衡云案列子周穆王篇遂賓於西王母觴於

瑤池之上西王母爲王謠王和之其辭哀焉張湛注

徒歌曰謠詩名白雲和答也詩名東歸衡案白雲東

歸皆後世摘取詩中字面以標題之非當世有此名

也

穆王西巡時憂吟

穆天子傳

卷三

西王母之山還歸丁念世民作憂

以吟曰

陳氏云太平御覽九百二十一引西母還歸世民謠憂以吟

檀氏萃云吟亦

曲名

穆王久留王母之宮不歸因念中國之人民而作歌吟

彼徂西土

御覽卷九百二十一彼作徂

爰居其野

御覽其作

於風雅逸篇野作所

虎豹爲羣

御覽虎豹作豹虎

於鵲與處

郭注云於讀曰烏

風雅逸篇於作烏

嘉命不遷

御覽遷作還方

陳氏云事類賦十九太平御

覽九百二十一遷作還衡按嘉命不遷猶言大命不改也蓋兢兢保有此位之義還字誤

我惟帝郭注

云帝天

天子

陳氏云太平御覽九百二十

大帝而不可

稱顧世民之恩流涕崩隕

風雅逸篇作彼何世民又將去子

吹笙鼓簧

郭注云簧

中心翱翔

郭注云憂無薄也

世民之子唯天之望

郭注

云所瞻望也

穆王使宮樂謠

穆天子傳

卷五

天子東遊於黃澤宿於曲洛

郭注云洛

水之回曲地名也

廢口使宮樂謠

郭注云宮樂典樂者

曰口字檀

填縣字注云廢撤衆縣使宮樂徒歌而謠也

黃之池

陳氏云藝文類聚四十三池作隨

其馬歎沙

郭注云歎騰也普問切陳氏云錦

繡萬花谷後集三十
九引二獻字俱作噴
皇人威儀郭注云威畏也
黃之澤其馬歎

玉皇人受穀郭注云穀生也皆諸謠辭
萬花谷後集三十九引受作壽
陳氏云錦繡

八百九十六廣博物
志卷四十六受作壽
御覽卷

擊壤歌

帝王世紀帝堯登帝位天下大和百姓無事有

八十老人顧氏觀光云藝文治要並作五
樂府八十三引八下有九字
擊壤

於道觀者歎曰大哉帝之德也老人歌曰原本無歌

字樂府所引作擊壤而歌曰今據補
困學紀

聞卷二十引周處風土記云壤以木爲之前廣

後銳長尺三寸其形如履先側一壤於地遙於

三四十步以手中壤擊之中者爲上王氏自注

云古童兒所戲
之器非土壤也

吾日出而作日入而息鑿井而飲耕田而食帝何力於

我哉

顧氏云治要作帝力何有於我哉 御覽卷四百八十九作帝力於我何有哉 高士傳力作德

丹鉛雜錄卷三論衡下句作帝於我有何力哉力字上文息食爲韻列子云云恐是傳寫顛倒 案列子無此條楊氏蓋誤記康

衢謠爲此歌也

案帝王世紀據顧氏觀光輯本採錄

開皇初太原童謠

大唐創業起居注

卷一

帝爲太原留守與義兵以

檄郡縣軍司以兵起甲子之日又符讖尙白請

建武王所執白旗帝曰宜兼以絳雜半續之諸
軍稍旛皆放此營壁城壘旗旛四合赤白相映
若花園開皇初太原童謠云云常亦云白衣
天子故隋主恒服白衣每向江都擬於東海常
修律令筆削不停并以綵畫五級木壇自隨以

事道

法律存道德在白旗天子出東海

桃李子歌

大唐創業起居注

卷一

又有桃李子歌曰

云

案

李爲國姓桃當作陶若言陶唐也配李而言故
云云汾晉老幼謳歌在耳忽覩靈驗不勝歡
躍帝每顧旗旛笑而言曰花園可爾不知黃鵠
如何吾當一舉千里以符冥識

桃李子莫浪語黃鵠繞山飛宛轉花園裏

桃花園宛轉屬旌旛

全唐詩十二
函入花作李

案隋書五行志上引大業中童謠與此前一則半同
半異今兩存之

慧化尼歌

大唐創業起居注

卷三

少帝義寧二年三月乃進

帝爲相國加九錫於是文武將佐裴寂等二千

人上疏勸進帝拒而不答裴寂等又奏神人太

原慧化尼蜀郡衛元嵩等歌謠詩識慧化尼歌

詞曰

云

又曰

云

又曰

云

又曰

云

又曰

云

蜀郡衛元嵩周大和五年閏十月作詩

按詩

不

錄未萌之前謠識遍於天下今觀其事人皆知

之旣膺符命不得拘文牽旨違天不祥

東海十八子八井喚三軍手持雙白雀頭上戴紫雲

丁丑語甲子深藏入堂裏何意坐堂裏中央有天子
西北天光照龍山昭童子赤光連北斗童子木上懸白
旛胡兵紛紛滿前後拍手唱堂堂驅羊向南走
胡兵未濟漢不整治中都護有八井

興伍伍仁義行武得九九得聲名童子木底百丈水東
家井裏五色星我語不可信問取衛先生

楊濟引諺

通鑑

卷八

晉惠帝紀永熙元年春正月改元太

熙三月帝疾篤

案帝指武帝

侍中車騎將軍楊駿獨

侍疾禁中夏四月己酉崩於含章殿太子卽皇

帝位大赦改元

胡注改太熙爲永熙

五月詔以駿爲太傅

大都督假黃鉞錄朝政百官總己以聽傅咸謂

駿曰諒闇不行久矣今聖上謙沖委政於公而

天下不以爲善懼明公未易當也竊謂山陵旣

畢明公當審思進退之宜駿不從咸數諫駿漸

不平欲出咸爲郡守李斌曰斥逐正人將失人

望乃止楊濟遺咸書曰諺云

云

官事未易了

也想慮破頭故具有白

胡注慮咸以直言致禍也

咸復書曰

自古以直致禍者當由矯枉過正或不忠篤欲以亢厲爲聲故致忿耳安有恠恠忠信而反見怨疾乎

生子癡了官事

案晉書傅咸傳亦載此二語而不言諺故置彼錄此
魏孝武帝遷長安時諺

通鑑

卷一百五十六

梁武帝紀中大通六年六月魏丞

相歡謀遷都帝遂下制書數歡咎惡以宇文泰兼尙書僕射爲關西大行臺歡勒兵南出秋七

月己丑魏主親勒兵十餘萬屯河橋以斛斯椿
爲前驅椿請帥精騎二千夜渡河掩其勞弊帝
始然之黃門侍郎楊寬說帝曰椿若渡河萬一

有功是滅一高歡生一高歡矣帝遂勅椿停行

椿歎曰頃熒惑入南斗

胡注晉天文志曰南斗六星天廟也將有天子

之事占於斗熒惑罰星入之天子
不安其位後所謂天子下殿走也

今上信左右

間構不用吾計豈天道乎丙午歡引軍渡河戊

申帝西奔長安八月入長安以雍州廨舍爲宮

以泰爲大將軍雍州刺史兼尙書令軍國之政

咸取決焉先是熒惑入南斗去而復還留止六

旬上以諺云

云

乃跣而下殿以禳之及聞魏

主奔慙曰虜亦應天象耶

熒惑入南斗天子下殿走

案長短經懼誠篇所引與此畧同而時代事驗迥異
今並存之

唐太宗引諺

通鑑

卷一百九十七

唐太宗紀貞觀十七年夏四月丙

戌詔立晉王治爲皇太子十八年夏四月上御

兩儀殿皇太子侍上謂羣臣曰太子性行外人亦聞之乎司徒無忌曰太子雖不出宮門天下無不欽仰聖德上曰吾如治年時頗不能循常度治自幼寬厚諺曰

云

冀其稍壯自不同耳

無忌對曰陛下神武乃撥亂之才太子仁恕實守文之德趣尙雖異各當其分此乃皇天所以祚大唐而福蒼生者也

胡注無忌之保護太子至矣迨其後也以元舅

之親爲婦人所間不能保其身保其家而唐亦幾於不祀則太子不可謂之寬厚謂之闇弱可也

生狼猶恐如羊

胡注曹大家女誠曰生男如狼猶恐其羊生女如鼠猶恐其虎蓋古語也

按

女誠載後漢書曹世叔妻傳係作鄙諺惟羊作厖古今諺引貞觀政要仍作羊惟兩其字作如

按此條與後漢書詳畧迥異故並錄之

薛克構引諺

通鑑

卷二百二

唐高宗紀開耀元年

胡注是年十月方改元新書作

九月

按未改元以前係永隆二年

初太原王妃之薨也

胡注武士護封

太原王妃從其爵咸亨元年薨

天后請以太平公主爲女官以

追福

胡注公主天后女也

及吐蕃求和親請尙太平公主

上乃爲立太平觀以公主爲觀主以拒之至是

始選光祿卿汾陰薛曜之子紹尚焉紹母太宗

女城陽公主也

胡注據會要城陽公主先降杜荷荷誅降薛瓘新書亦然秋

七月公主適薛氏自興安門南至宣陽坊西燎

炬相屬夾路槐木多死紹兄顗以公主寵盛深

憂之以問族祖戶部郎中克構克構曰帝甥尚

主國家故事苟以恭慎行之亦何傷然諺曰

云

云不得不爲之懼也

娶婦得公主無事取官府

按此與舊唐書張果傳所引字句畧殊然意各有屬

故並載之

上元元年淮西謠言

通鑑

卷二百九十

唐肅宗紀上元元年十一月御史

中丞李銑宋州刺史劉展皆領淮西節度副使

銑貪暴不法展剛強自用故爲其上者多惡之

節度使王仲昇先奏銑罪而誅之時有謠言曰

云

二云

仲昇使監軍使內左常侍邢延恩入奏展

倔彊不受命姓名應謠讖

胡注謂金刀之謠應劉姓也

請除

之延恩因說上曰展方握彊兵宜以計去之請

除展江淮都統代李恒俟其釋兵赴鎮中道執之此一夫力耳上從之以展爲都統淮南東江南西浙西三道節度使密勅舊都統李恒及淮西東道節度使鄧景山圖之延恩以制書授展展疑之延恩解恒印節以授展展悉舉宋州兵七千趣廣陵延恩與李恒鄧景山發兵拒之移檄州縣言展反展亦移檄言恒反州縣莫知所從展引兵入廣陵陷潤州初上命平盧兵馬使田神功屯任城勅神功討展展獨與一騎亡渡

江上元二年春正月將軍賈隱林射展中目而

仆遂斬之

上元二年以下見卷二百九十一

手執金刀起東方

時人稱揚益二州語

通鑑

卷二百五十九

唐昭宗紀先是揚州富庶甲天下

時人稱

云

及經秦畢孫楊兵火之餘

胡注秦彥畢師

鐸孫儒楊行密也

江淮之間東西千里掃地盡矣

野客叢書

卷十五唐時揚州爲盛通州爲惡當時有云云之語容齋隨筆卷九唐世鹽鐵轉運使在揚州盡幹利權判官多至數十人商賈如織故諺稱云云謂天下之盛揚爲一而蜀次之也

揚一益二

胡注言揚州居一益州爲次也

胡三省引鄙語論司馬懿

通鑑

卷七十四

魏明帝紀景初二年正月帝召司馬

懿於長安使將兵四萬討遼東六月軍至遼東
公孫淵使大將軍卑衍楊祚將步騎數萬屯遼
隧懿直趨襄平衍等夜走大破之秋八月壬午
襄平潰斬淵父子於梁水之上遼東帶方樂浪
元菟四郡皆平遂班師胡注云司馬懿與諸葛
亮相守閉壁若無能爲者及討公孫淵知計橫

出鄙語有

云

其是之謂乎

基逢敵手難藏行

又引鄙語論後唐後漢二后

通鑑

卷二百八十六

後漢高祖紀天福十二年春二月

辛未劉知遠卽皇帝位戊寅帝還至晉陽

胡注自承

天軍還

晉陽議率民財以賞將士夫人李氏

案下文四月癸

丑立魏國夫人李氏爲皇后

諫曰陛下因河東創大業未有

以惠澤其民而先奪其生生之資殆非新天子

所以救民之意也今宮中所有請悉出之以勞

軍雖復不厚人無怨言帝曰善卽罷率民傾內
府蓄積以賜將士中外聞之大悅李氏晉陽人
也胡注云婦人之智及此異乎唐莊宗之劉后

矣鄙語有之

云

二人者各居一焉

卷二百七十三後唐

莊宗紀同光二年二月癸未立魏國夫人劉氏
爲皇后皇后生於寒微旣貴專務蓄財其在魏
州薪蘇果茹皆販鬻之及爲后四方貢獻皆分
爲二一上天子一上中宮以是寶貨山積卷二
百七十四同光三年軍士乏食流言怨嗟天成
元年三月租庸使以倉儲不足頗腴刻軍糧軍
士流言益甚宰相懼率百官上表劉后曰吾夫
婦君臨萬國雖藉武功亦由天命命旣在天人
如我何宰相又於便殿論之后屬耳於屏風後
須臾出糝具及三銀盆皇幼子三人於外曰人

言宮中蓄積多四方貢獻隨以給賜所餘止此耳請鬻以贍軍宰相惶懼而退卷二百七十五
天成元年夏四月丁亥從馬直指揮使郭從謙作亂帝爲流矢所中抽矢渴懣求水皇后不自省視遣宦者進醪須臾帝殂劉后囊金寶與申王存渥出走爲尼於晉陽監國使人就殺之
福至心靈禍來神昧

理宗紹定時人語

宋季三朝政要卷一理宗紹定三年上飲宴過度

史彌遠臥病中書時人譏之曰

陰陽眠燮理天地醉經綸

里巷爲馬光祖許堪史嵩之謠

朱季三朝政要

卷二

理宗淳祐四年九月史嵩之

丁父彌忠憂起復右丞相兼樞密使永國公令
學士院降制太學生黃伯愷金九萬孫翼奉何
子舉等百四十四人上書曰臣等竊謂起復之
說聖經所無而權宜變禮衰世始有之嵩之心
術回邪蹤跡詭祕在朝廷一日則貽一日之禍
在朝廷一歲則貽一歲之憂萬口一辭惟恐其
去之不亟也嵩之不天聞訃不行乃徘徊數日
牽引姦邪布置要地彌縫貴戚買囑貂璫轉移

上心資緣御筆必得起復之禮然後徐徐引去
又擺布私人以爲去後之地暨姦謀已遂乃始
從容就道初不見其有憂戚之容也且嵩之之
爲計亦姦矣自入相以來固知二親耄矣爲有
不測旦夕以思無一事不爲起復張本當其父
未死之前已預爲必死之地近畿總餉本不乏
人而起復未卒哭之馬光祖京口守臣豈無勝
任而起復未終喪之許堪故里巷爲十七字之
謠也曰云

云夫以里巷之小民猶知其姦陛下

獨不知之乎上意頗悟嵩之乃奏劄辭免時相
惡京學生言事謂皆游士鼓倡之諷京尹趙與
權逐游士諸生聞之作捲堂文辭先聖以出京
尹遂盡削游士籍淳祐五年史嵩之以永國公
致仕

光祖做總領許堪爲節制丞相要起復援例

池州二士哭趙昴發言

宋季三朝政要

卷五

少帝德祐元年春正月丁亥

大元國兵破池州趙昴發蜀人以倖權守兵至

與妻子訣其妻曰爾能盡忠吾獨不能爲忠臣
之婦乎甯相從於地下昂發大喜具冠裳大書
十六字於倅廳春臺上曰君不可負臣不可降
夫妻俱死節義成雙遂俱縊而死學有二士哭
其屍曰云明日伯顏丞相領兵入城見而憐
之具衣衾葬焉

生爲大宋人死爲大宋鬼何以洗此污清溪一泓水

京師爲伯顏語

庚申外史至元三年以伯顏爲太師答剌罕左

丞相封秦王伯顏本鄰王家奴也謂鄰王爲使
長伯顏至是怒曰我爲太師位極人臣豈容猶
有使長耶遂奏鄰王謀爲不軌殺鄰王并殺王
子數人時天下貢賦多入伯顏家者省臺院官
皆出其門下每罷朝皆擁之而退朝廷爲之空
矣禁漢人南人不得持寸鐵禁百姓畜馬六月
天下謠傳拘刷童男童女民間皆望風成婚伯
顏數往太皇太后宮或通宵不出京師爲之語

曰

上把君欺下把民虐倚恃着太皇太后

京師人爲脫脫丞相語

庚申外史至元六年右丞相益都忽左丞相脫
脫奏曰京師人烟百萬薪芻負擔不便今西山
有煤炭若都城開池河上受金口灌注通舟楫
往來西山之煤可坐至於城中矣遂起夫役大
開河五六十里時方炎暑民甚苦之其河上接
金口水金口高水瀉而下湍悍纔流行一二時
衝壞地數里都人大駭遽報脫脫丞相丞相亟

命塞之京師人曰

云

云秋河北大水

脫脫丞相開乾河

江西民爲華林賊土官兵謠

炎徼紀聞

卷一

岑猛者廣西田州府土官也正德

初猛乃言督府征調願先鋒會江西華林峒賊
反都御史陳金檄猛從征猛兵沿途剽掠民皆
徙村避之爲之謠曰

華林賊來亦得土兵來死不測黃狐跳梁白狐立十家

九家邏柴棘

明詩綜卷一百無末二句

廣西人爲猺蠻謠

炎徼紀聞

卷二

斷藤峽舊名大藤峽其江發源柳

慶東達潯州兩崖萬山盤礴六百餘里猺蠻盤

踞大抵自藤峽徑府江約三百餘里以力山爲

中界諸賊往往相通互爲死黨藤峽之巔立而

環眺則遠近數百里間若可舉趾故軍旅所集

肝睫而知急則狝竄林中不可疏捕廣西之謠

云明詩綜卷一百自藤峽徑府江三百餘里諸蠻互爲死黨出劫商船得人則剗其腹投之

江中

益有一斗米莫沂藤峽水囊有一陌錢莫上府江船

明詩

綜卷一百

陌作百

韓雍引諺論滅猺

炎徼紀聞

卷二

景泰中猺酋侯大狗等作亂嘯聚

萬人攻墮郡縣戕執吏民而修仁荔浦平樂力

山諸猺爲之響應其勢益張久之鬱林博白新

會信宜興安馬平來賓鯨鯢風起所至邱墟憲

皇帝卽位乃以韓雍爲左僉都御史而閩外之

事一以屬雍成化元年六月雍偕諸將會南京

議進取僉曰兩廣殘破盜賊蜂屯譬之烈火燎
原無復緩急宜分兵四出隨在撲之候其團結
乃可圍困耳雍曰不然是扇禍也大藤峽爲廣
西腹心之患舍此不圖而分兵四出賊必擁而
漫流流賊愈多郡縣愈破諺所謂云者也莫
若併力西向擣其腹心元惡旣殲餘必投刃而
解矣諸將曰誠如公言

救火焉而噓之

粵西宣慰氏族諺

炎徼紀聞

卷三

田琛者故思州宣慰使也自宋元

來世有思州宗族蕃衍自敘出自關中蓋漢高

帝徙齊諸田關中而巴蜀關中近地遂蔓延於

此今婺川縣有齊地圖猶稱齊田云

云

言大姓也

卷一云岑猛廣西田州府土官也自敘漢舞陰侯岑彭後宋元間世爲安

撫總管等官洪武初岑伯顏以田州歸附高皇帝嘉之爲立府治使世襲知府又云黃玠者思明府夷酋也上世皆土官弟瑯以世嫡爲思明府知府卷三云楊輝者播州宣慰使也始祖鏗元時爲安慰使洪武初納款授宣慰使三傳而輝襲之

思播田楊兩廣岑黃

播凱二州人爲楊氏兄弟諺

炎徼紀聞

卷三

楊輝者播州宣慰使也輝二子友

愛友庶而長輝以妾故特嬖之屢欲奪嫡而安撫宋韜長官毛釗等不從乃嗣愛而嬖友之心終不解倖客張淵因說輝曰天霸諸苗山箐陰遠慙而易凌誣之曰賊而請兵討之以友爲安撫使時友年纔十三耳部議信之一如所請輝死淵自知不容於愛乃嗾友誣愛通苗越境爲亂廷議大駭乃命官韜之淵坐死友愛皆論死

贖免之友削官竄保寧無何友黨篡友以歸與
愛仇殺不已而友子張愛孫相尤酷毒嘉靖七
年兵部尙書胡世寧議謂張黨與已成若不因
而撫之恐遂流禍請立安撫司於凱里屬治貴
州以張爲安撫使而相宣慰屬治四川如故然
其仇固自若也諺云

骨肉難醢參商播凱

苗人復讐諺

炎徼紀聞

卷四

苗人古三苗之裔也自長沙沅辰

以南盡夜郎之境皆有之其俗各以其黨自相
沿襲大抵憤忮猜禍絕禮讓而昧彝倫惟利所
在不顧廉恥喜則人怒則獸睚眦之隙遂至殺
人被殺之家舉族爲讐必報當而後已否則親
戚亦斷斷助之卽抗到不悔諺云云言其不
可居解也

苗家仇九世休

羅羅國諺

炎徼紀聞

卷四

羅羅本盧鹿而訛爲今稱有二種

居水西十二營寧谷馬場漕溪者爲黑羅羅亦
曰烏蠻居募役者爲白羅羅亦曰白蠻風俗略
同其人深目長身黑而白齒椎結跣躋佩長刀
箭箠悍而喜鬪修習攻擊雄尙氣力寬則以漁
獵伐木爲業急則屠戮相尋故其兵常爲諸苗
冠諺云

云

言其相應若率然也

潛確類書卷十四云羅羅

本羅鹿其俗尙鬼又曰羅鬼

按

羅鹿盧鹿無定字聲近而訛也

水西羅鬼斷頭掉尾

明詩綜卷一百引此諺注云言至死猶鬪也

兩廣征猺諺

炎徼紀聞

卷四

獠人古八蠻之種也五溪以南窮

極嶺海迤連巴蜀皆有之山田瘠埆十歲五飢

急則墮突漢界結黨旣夥則公墮城堡劫官寺

故廣之東西歲苦兵事諺云

云

然亦僅矣

比年小征三年大征

京師爲溫體仁謠二則

明季北略

卷十

初崇禎三年溫體仁相京師童謠

云

七年爲首相京師又有謠云

云

皆取

溫瘟同音之義俱不吉兆由是用人不當流寇

猖獗

崇皇帝溫閣老

崇禎皇帝遭溫了

廬州民爲許宦妾謠

明季北略

卷十

崇禎八年正月張獻忠自鳳陽

趨廬州圍之知府吳大朴率軍民固守晝夜拒

戰城中有許宦妾邊產也善騎射賊攻城急妾

馳城上窺救時賊將二大王已登月城守者發

砲寂然無聲衆大懼許妾曰未祭砲耳卽嚙指

出血旋灑砲上以祭之躬自焚火砲應時而震
擊毀城樓半截二大王立斃賊遂遁走至今廬

州民間有

云

之謠

一砲打死二大王

四川人爲陳士奇謠

明季北略

卷二

陳士奇福建漳浦人督學四川

驅車日卽矢諸神明云寧剗吾身肉毋塞彼寒

士門謝絕竿牘得士最盛時有

云

之謠

學憲廣文

京師爲劉懋謠

綏寇紀畧

卷一 澠池渡

崇禎己巳秦大旱粟踊貴軍

餉告匱總督楊鶴甘撫梅之煥分道勤王是年復以稽餉而譁其潰卒畏捕誅亡命山谷間倡饑民爲亂兵科給事劉懋疏請裁定驛站歲可節金錢數十萬上喜著爲令有濫予者罪勿赦而河北遊民藉食驛精至是遂無所得食益無賴潰兵乘之而全陝無甯宇矣自注云先是懋有補足兩年缺餉與賑金十萬之請事旣不行

再疏以陝西衛兵冒濫虛弱求按冊清汰操練
其論最剴切惟驛站節裁銀兩充勦撫之用頗
有近於搜括而京師向有

云

之謠愚謂必出

於士大夫輜軒之口所以流傳至今夫廊延絕
塞無與郵傳關隴饑民甯關興隸然考之御史
姜思睿疏云各遞貧民千百爲羣任輦輿以續
命者饑餓待死散而爲盜聞懋易簣時亦深悔
爲此言後死京邸棺至山東莫有爲輦負者各
處饑民甚至呼其名而咀咒之圖其形而叢射

之是又非無見云然姑兩存之

劉給事裁省驛遞驅民爲盜

熹宗時童謠

綏寇紀畧

卷十二
虞淵沉

齊武帝永明十一年先是魏

地謠言赤火南流喪南國

按此條已見南史

是歲有沙

門從北齋此火至火赤於常火而微以療疾多

驗都下名曰聖火此與今之烟草相類熹廟時

童謠曰

云

未幾閩人有此種名曰烟酒云可

以已寒療疾此亦火異也

天下兵起遍地皆烟

慶陽軍中爲張良臣語

明史紀事本末

卷九

太祖洪武二年夏五月辛丑

元將張良臣以慶陽降戊申良臣復據慶陽叛
秋八月癸未徐達克慶陽初良臣之叛也自以
其城險而下有井泉可據以守其兵精悍養子
七人皆善戰軍中語曰云及明師自北門入
良臣父子俱投井中引出斬之

不怕金牌張惟怕七條鎗

明詩綜卷一百
二怕字均作畏

李登負罌木歌

明史紀事本末

卷六十三

神宗萬曆二十年二月甯

夏哮拜亂子承恩軍鋒劉東陽許朝乃勒兵據
城堡九月浙兵刻日攻城總督葉夢熊布告軍
中有能先登以城下者予萬金後五日水浸北
關城崩潛以銳卒掩南關夢熊入城勞苦百姓
承恩等見南關下則盡氣奪乃懇貸死夢熊陽
許諾益治攻具時承恩雖求撫堦門斷塹守益
固有賣油李登者跛而眇負罌木歌於市曰

云

監軍梅國楨聞之曰是可使也召登授三劄
縛木渡東門見承恩曰軍中有密記授將軍將
軍幸有意聽登則殺劉許自贖承恩猶豫許之
登間道詣東暘朝亦各致劄曰將軍故漢臣而
首亂在哮氏何橫身與人嬰禍所爲貴智者以
能度時審勢轉禍爲福也東暘朝亦心動自是
互相猜疑十六日圍愈迫承恩殺東暘朝懸首
城上十七日晨承恩方馳南門參將楊文執之
哮拜自焚

癰之不决而狃於瘡危巢不覆而令梟止

古謠諺卷十五終

古謠諺卷十六

秀水杜文瀾輯

師曠爲周太子晉歌

汲冢周書

卷九太子晉解篇

晉平公使叔譽於周見太

子晉而與之言五稱而五窮歸告公公使師曠

見太子遂敷席注瑟

陳氏逢衡云敷布也注如挹彼注茲之注王子乃手

取瑟以授師曠歌無射曰云

云乃注瑟於王子

王子歌嶠曰何至南極至於北極絕境越國不

愁道遠

孔注云嶠曲名師曠作新曲美王子也王子述舊曲諫也師曠蹶然

起曰暝臣請歸

國誠寧矣遠人來觀修義經矣好樂無荒

孔注曰交言於堂故更入

燕室坐歌此辭而音合於無射

按師曠之歌似未著文字王子之歌似已著文字故置新曲而錄舊曲

時人爲于公嚴延年語

前漢紀

孝宣皇帝紀四

甘露三年五月甲午御史大夫

于定國爲丞相初定國父于公爲東海郯縣獄吏郡決贓掾決獄甚明罹法者皆無恨郡中爲

之立生祠東海有孝婦少寡無子養老姑甚謹
姑欲嫁之終不肯去姑告鄰人曰我年老久累
丁壯其後姑自剄而死姑女告婦殺我母吏驗
治甚急孝婦自誣服具獄上府于公以爲婦孝
養姑十餘年以孝聞於天下必不殺也太守不
聽于公爭不得乃抱具獄哭於府門上因辭病
去郡中枯旱三年及後太守方召于公于公曰
前有孝婦不當死枉誅咎儻在是乎於是太守
殺牛自祭孝婦因表其墓天乃大雨于公其里

門閭壞父老方共治之于公曰少高大令容駟
馬高蓋我治獄多陰德子孫必興故人爲之語

曰孝宣帝紀三神雀四年冬十有一月河南太
守嚴延年有罪棄市延年爲治嚴酷冬月傳
屬縣囚會府下流血數里河南號曰屠伯府丞
年老頗倖素畏延年恐見中傷延年實親厚之
而丞愈自恐自筮得死卦及求告至京師上書
言延年罪名十事拜奏因飲藥自殺以明不欺
事下案驗有此數事延年坐誹謗政理不道先
是延年母從東海來適見報囚母怒延年曰天
道神明人不可獨殺行矣去汝東歸除掃墓地
待汝耳母還歸復爲宗族昆弟言之後歲餘而
誅矣

于公高門以待封嚴母除地以望喪

朝廷稱張釋之于定國語

前漢紀

孝宣皇帝紀四

定國少爲文法吏及在卿位乃

迎師學春秋身執經北面備弟子禮謙讓恭敬

士雖貧賤徒步皆與均禮爲廷尉八年持法平

端朝廷稱之曰

孝文皇帝紀上廷尉釋之奏曰法者天子之所與天下共之今

如重之是法不信於民廷尉天下之平今一傾天下用法皆爲之輕重民安措其手足乎上曰

善廷尉當如是也釋之以議法公平甚重於朝廷

張釋之爲廷尉天下無冤民

師古曰言決罪皆當

于定國爲廷尉

天下自不冤

漢書于定國傳作自以爲不冤古曰言知其寬平皆無冤枉之處

師

宛郡鄉里爲茨充號

東觀漢記

按此條出後漢書衛覬傳注

茨充字子河宛人也

初舉孝廉之京師同侶馬死充到前亭輒舍車持馬還相迎鄉里號之曰

一馬兩車茨子河

按東觀漢記據姚氏之駟輯本採錄

逢萌哭言

東觀漢記

據御覽卷四百八十七

逢萌素明陰陽知莽將

敗攜家屬於遼東乃首戴盆盎哭於市言曰云

云 遂潛藏 御覽卷八百五十五引東觀漢記王莽將敗北海逢萌載齏器於市曰云

云因潛藏不見

新乎新乎

御覽卷八百五十五作辛乎 按齏器受辛辛與新同音故借以斥僞新也

漢明德皇后引俗語

東觀漢記

據御覽卷四百九十五

明德馬后時上欲封諸

舅外間白太后曰吾自念親屬皆無柱石之功

俗語曰

時無赭澆黃土

京師爲楊政祁聖元號

東觀漢記

據御覽卷六百十五

楊政字子行治梁邱易與

京兆祁聖元同好俱名善說經書京師號曰

說經鏗鏘楊子行論難僞僞祁聖元

案上七字已見後漢書因東觀漢記與祁氏并言今

兩存之

人爲陳隰語

東觀漢記

據御覽卷六百十五

陳隰字君期善說詩語曰

關東說詩陳君期

更始時長安里閭語

東觀漢記

據御覽卷八
百二十七

更始在長安官爵多羣

小里閭語曰

云

傭之市空返問何故曰今日

騎都尉往會日也由是四方不復信向京師

使兒居市決作者不能得

按東觀漢記在姚氏所輯後漢書補逸內然頗有漏
略且不標出處今檢尋謠諺凡姚氏所已收其出處
可考者特爲注明其未收者據御覽所引補錄五條
謝氏華氏後漢書仿此

京師稱宋度語

謝承後漢書宋度字叔除謁者以詔書賜降俟
朝口門門開度頓首讓胡掾賜畢奏罷大鴻臚
姚氏之駟云度奏罷鴻臚不知何事京師稱曰
按此數句文義不貫疑有脫誤

宋叔平一史奏罷九卿

蜀郡童爲黃昌謠

謝承後漢書黃昌會稽人爲蜀郡太守未至郡
時蜀有童謠曰

兩日出天兵戰

吳人爲彭修歌

謝承後漢書彭修字子陽海賊丁義欲向郡郡

內驚惶不能捍禦太守聞修義勇請守吳令身

與義相見宣國威德賊遂解去民歌之曰

御覽卷四

百六十五引吳錄彭循字子陽毘陵人建國二年海賊丁儀等萬人據吳太守秋君聞循勇謀以守令循與儀相見陳說利害應時散民歌之曰云云御覽卷二百五十三引謝承後漢書與吳錄同惟秋君作秘君令上有吳字

時歲倉卒盜

御覽引吳錄無盜字

賊從橫大戟強弩不可當賴遇

賢令彭子陽

京師爲唐約謠

謝承後漢書唐約字仲謙拜尚書閑習典質密
靜自典機樞數有直言善策每作表疏皆手自
書之不宣於外處官不言貨利之事當法不阿
所私京師謠曰事文類聚新集卷四
法上有公字謠作號

治身無嫌唐仲謙

京師爲張磐謔

謝承後漢書張磐字子石爲廬江太守潯陽令
嘗餉一奩甘其子年七歲就取一枚磐奪付外
卒因私以兩枚與兒磐鞭卒曰何故行賂於吾

子磐以操行清廉見稱守廬江時京師諺曰

聞清白張子石

按謝承後漢書據姚氏之駟輯本採錄

蒼梧人爲陳臨歌

謝承後漢書

據御覽卷四
百六十五

陳臨字子然爲蒼梧

太守人遺腹子報父怨捕得繫獄傷其無子令

其妻入獄遂產得男人歌曰

蒼梧陳君恩廣大令死罪囚有後代德參古賢天報施

輿地紀勝卷一百八作蒼梧府
君惠及死能令死人不絕嗣

古謠諺

卷十六

曼陀羅華閣

鄉人爲秦護歌

謝承後漢書

據御覽卷六
百九十五

秦護清廉不受禮賄

家貧衣服單露鄉人歌之曰

冬無袴有秦護

按以上二條姚氏未采入今據御覽補之

諸儒爲劉愷語

華嶠後漢書

按此條出藝文
類聚卷四十九

劉愷爲太常論議

常引正大義諸儒爲之語曰

難經伉伉劉太常

按華嶠後漢書據姚氏之駟輯本采錄

桓帝時人爲黨人謠

袁崧後漢書

據御覽卷四
百六十五

桓帝時朝廷日亂李

膺風格秀整高自標尙後進之士升其堂者以

爲登龍門太學生三萬餘人榜天下士上稱三

君次八俊次八顧次八及次八廚猶古之八元

八凱也因爲七言謠曰

按此條內本有不畏強
禦陳仲舉天下模楷李

元禮天下英秀王叔茂三
則因已見後漢書故不錄

九卿直言有陳蕃

天下好交荀伯修

羣輔錄修作條又云沛國穎陰荀翌字伯條

八

天下冰楞王秀陵

羣輔錄作天下水凌朱季陵又云司隸校尉沛國朱寓字季陵拜經樓

詩話卷四王作丁季作秀今按王朱丁三字互異必有誤羣輔錄水凌必係冰楞之誤拜經樓詩話又謂凌當作稜亦可通惟秀字爲世祖諱東漢人斷不以爲名字必是季字之訛耳

天下忠平魏少英

羣輔錄平作貞又云尙書會稽上虞魏朗字少英

天下稽古劉伯祖

羣輔錄云大司農博陵安平劉祐字伯祖

天下良輔杜周甫

羣輔錄太僕穎川陽城杜密字周甫

天下英才趙仲經

羣輔錄英才作才英又云太常蜀郡成都趙典字仲經

京師稱李膺陳蕃語

袁崧後漢書

據御覽卷四
百九十五

桓帝時京師稱曰

李元禮巖巖如玉山陳仲舉軒軒如千里驥

南陽爲朱公叔語

袁崧後漢書

據御覽卷四
百九十五

桓帝時南陽語曰

朱公叔肅肅如松柏下風

時人爲公沙氏兄弟號

袁崧後漢書

據御覽卷四
百九十五

公沙穆有六子時人

號曰

羣輔錄作
時人語

公沙六龍天下無雙

羣輔錄
六作五

按此書所錄凡四條皆姚氏之駟所未採者今據御覽補之

太原介休鄉里諺

後漢紀

孝靈皇帝紀上

郭泰字林宗太原介休人宵行

幽闇必正其衣服與其等類行晨則在前暮則在後所歷亭傳不處正堂恒止逆旅之下先加糞除而後處焉及宿止冬讓溫厚夏讓清涼如鄉里或有爾者父母諺曰

欲作郭林宗耶

王昶引諺

梁祚魏國統王昶字文舒誠子書引諺曰

知足不辱如不知足則失所欲

魏孝文帝菖蒲歌

後魏典略孝文帝南巡至新野臨潭水而見菖

蒲花乃歌曰

云

遂爲建兩菖蒲寺以美之

兩菖蒲新野藥

齊武成殂後謠

三國典略周平齊齊幼主胡太后等並歸於長

安初武成殂後有謠云

云

調甚悲苦至是應

焉又曰高緯所幸馮淑妃名小憐也

千錢置菓園中有芙蓉樹破券不分明蓮子隨他去

樂府

詩集卷八十七置菓作買藥券作家他作它

京師爲丁謂寇準語

東都事略寇準傳天禧三年復拜中書侍郎兼

吏部侍郎同中書門下平章事集賢殿大學士

眞宗不豫準請太子監國語稍洩丁謂夜乘婦

人車詣曹利用第謀其事遂密以聞明日罷準

爲太子太傅封萊國公踰月又降準太常卿再
貶雷州司戶參軍丁謂傳仁宗卽位以謂擅易
陵寢意有不善謂罷相爲太子少保分司西京
謂次子玘與女冠劉德妙通出入謂家謂坐貶
崖州司戶參軍先是謂逐寇準京師語曰云

及謂得罪人以爲報云

儒林公議卷上寇準丁謂相繼貶斥民間多圖

二人形貌對張於壁屠酤之肆往往有焉雖輕眇冥頑少年無賴者皆口陳手指頌寇而詬丁若辨析恩讎者况耆舊有識者哉

欲得天下寧當拔眼中釘欲得天下好莫如召寇老

儒林

公議作欲時之好呼寇
老欲世之甯當去丁

益州人爲王曙謠

東都事略王曙傳知益州爲政嚴平而不可犯

人以比張詠爲之謠曰

張詠傳出知成都府其爲政恩威并用蜀民畏

而愛之眞宗以詠在蜀治行優異復命知益州仍加刑部侍郎宏簡錄卷一百二十八王曙傳以樞密直學士知益州緝盜以峻法賊無輕重一切戮之有卒夜告其軍謀作亂曙立辨其僞斬之蜀人股慄羣盜屏息以比之張詠詠嘗以季夏糶廩米價比時估減三之二以濟貧民立保甲法一家犯罪一戶皆坐以此少犯法後至者改詠之法窮民無所濟復爲寇至是復之蜀人爲之謠曰云云

蜀守之良

宏簡錄作誰人最良

前張後王惠我赤子而無流亡

宏簡

錄而作俾

何以報之俾壽而昌

宏簡錄昌作康

京師爲范仲淹謠

東都事略范仲淹傳字希文召爲右司諫會郭
皇后廢仲淹上書諫不報有詔出知睦州徙蘇
州歲餘拜天章閣待制召還益論事無所避知
開封府仲淹明敏通照決事如神京師謠曰
朝廷無憂有范君京師無事有希文

軍中爲韓琦范仲淹語

東都事略范仲淹傳趙元昊反乃以仲淹知延州仲淹訓練齊整賊聞之第戒曰無以延州爲意今小范老子腹中自有數萬甲兵不比大范老子可欺也大范老子謂雍也分陝西爲四路以仲淹爲環慶路經略安撫招討使尋拜陝西四路安撫緣邊招討使仲淹與韓琦俱有威名軍中爲之語曰

云

居三歲士勇邊實恩信大

治乃決策謀取橫山復靈武而元昊數遣使來請和韓琦傳元昊圍延州琦論西州形勢甚悉

乃以爲陝西安撫使至則賊引去矣遷樞密直學士陝西經略招討使復爲秦鳳經略使尋以舊職充陝西四路經略安撫招討使屯涇州琦與范仲淹在兵間最久二人名重一時人心歸之朝廷倚以爲重故天下稱爲韓范琦奏增土兵以抗賊視虜所不備互出擣之章旣上又與仲淹定謀益堅而元昊知不可敵斂兵不敢近塞

軍中有一韓西賊聞之心骨寒軍中有一范西賊聞之

驚破膽

事文類聚外集卷七引名臣傳骨作膽 駢字類編卷一百十六引宋史骨作膽二之字作知

廣州爲邵畦陳世卿歌

東都事略邵畦傳知廣州城瀕海每蕃船及岸
常苦颶風畦鑿內壕通舟颶不爲害及卒廣人
懷其惠多灑泣者方畦之病也朝廷以陳世卿
代之世卿亦良吏也廣南計口買鹽人以爲害
世卿奏免之於是廣人歌曰

邵父陳母除我二苦

天祚時國人諺

契丹國志天祐皇帝紀上天慶四年女真阿骨
打舉兵謀叛五年天祚下詔親征命樞密使蕭
奉先爲御營都統爲女真所敗六年中外歸罪
蕭奉先於是謫奉先西南面招討擢用耶律大
悲奴爲北樞密使蕭查刺同知樞密院使間有
軍國大事天祚與南面宰相執政吳庸馬人望
柴誼等參議數人皆昏謬不能裁決當時國人
諺曰云遠近傳爲笑端有人聞於天祚天祚
亦笑而不悟是歲止罷耶律大悲奴再詔蕭奉

先代之蕭查刺授西京畱守事其後罷吳庸馬
人望柴誼以李處溫左企弓代之至於國亡

五箇翁翁四百歲南面北面頓瞋睡自己精神管不得

有甚心情殺女直

原注或作真非

天祚時狂人歌

契丹國志天祚皇帝紀下初女真入攻時災異

屢見曾有人狂歌於市曰

云

急使人追之則

人首獸身連道且亡二字迸入山中不見變異

如此興亡之數豈偶然哉

遼國且亡

明昌四年京師謠言

大金國志章宗皇帝紀上世宗皇帝孫顯宗允
恭之子也世宗時封原王爲正嫡孫遂得立爲
嗣未及二年而世宗崩卽皇帝位明昌四年十
月誅鄭王允蹈世宗第六子於屬爲叔先是允
恭太子旣薨允蹈次長當立樞密院張克己以
宮僚私意贊立太孫然允蹈性寬厚世宗稱其
局量太孫旣立每見之有愧色是時主久酣飲

外間章奏不許通京師謠言云

云

完顏高完

顏志同見人心危疑且聞主嘗憾之密謀立鄭王而鄭王實不知也其妹夫唐适蒲刺允察爲統軍與高等相會於菩提寺達意於鄭王王亦許之由是謀議漸廣會唐适家二奴詣大興告變大興尹蕭宗裔遂密奏主時與鄭宸妃張嬖好皆醉臥未興申漏六刻江淵以水沃面徐告其故夜遣東隊主李白曜西隊主張飛龍御前將軍完顏黑鐵分兵擒捕置獄會同館獄成鄭

王允蹈及駙馬都尉唐适蒲刺同母妹新興公主榮安公主竝賜死餘同逆者夷三族

東欲行西欲飛中間一路赤垂垂我醉不醉知不知

時人爲來虞二氏子語

宏簡錄

卷十三唐宰輔類

來濟傳江都人父護兒隋驍

將任左翊衛大將軍闔門死字文化及之難濟幼得免轉側流離篤志好學富文詞善談論曉暢時務擢進士永徽二年拜中書侍郎兼宏文館學士俄同中書門下三品時虞世南子昶無

才術爲將作少匠時人語曰

云

云

文武豈有種

耶

護兒兒作相世南男作匠

史糾卷六護兒句在世南句下

按舊唐書逸文許敬宗歎曰來護兒兒作宰相虞世南男作木匠新唐書來濟子恒傳許敬宗曰云云與宏簡錄同均不言時人語故置彼錄此

緱氏民爲王旭謠

宏簡錄

卷一百一宋宰輔類

王旦傳附弟旭傳字沖明知

緱氏縣嚴於自守民有

云

之謠

永寧三鑠緱氏一縑

秃刺引俗言

續宏簡錄

卷三十九
系屬類

秃刺傳秃刺以功大賞薄

居常怏怏不得志一日武宗幸涼亭將御舟秃

刺前止之帝曰爾何爲曰人有恒言

云

此蓋

國俗輕誚之語而秃刺引之涉不遜帝知其怨

望銜焉

一箭中麋母曰自能百兔未得未可遽止

時人爲吳烈婦謠

續宏簡錄

卷四十九
施德類

吳妙甯傳上海人年二十

一贅同里張氏子越四載邑大姓以叛黨連坐
其父甯泣曰吾父苟無地爲解族其赤矣吾不
遑死禍延良人悔孰甚卽自投於纆俄徵繫吏
至聞已沒喑異而去時人爲之謠曰

紅羊年黑鼠月張婦吳儼遺烈九山風酸柳波血二氣
舛錯愁雲結一樹梅花驚飄雪

方國珍未亂時台州童謠

續宏簡錄

卷四十一
元雜行類

方國珍傳台州黃巖人

七

類藁卷八國事
類黃巖作寧海世業農父伯奇素柔懦爲鄉人

所侮生五子皆有膂力善馳跳驟馬國珍其次

也身長黑面體白如瓠時童謠云
云楊嶼者

台州海中童山也

七修類稿云其居有山在中曰楊氏仁宗延祐

六年忽草木鬱然是歲國珍生販鹽海濱同里

蔡亂頭入海行劫國珍捕應格而賞不及伯奇

爲陳氏佃事陳甚恭而數被侵辱父歿陳索租

益急稍不足則揚言國珍等通盜國珍戕殺之

格殺捕者遂與兄國璋弟國瑛國珉從子明善

等入海旬月間得數千人刼掠漕糧爲海運苦

時至正八年戊子十一月也

楊嶼青出海精

七修類稿作楊氏清出賊精

古謠諺卷十六終